

展開小卷之二

論道錄

第十三冊


雲南官印局代印

# 論道錄

## 第十三册

### 答蘇伯平書一

伯平足下鑒 十一月十六日所發一函已悉吾子研究本經日有進步深可喜慰天國英雄道學偉人乃是實行而至既已實行漸漸可以達到此等地步若不實行而空空想望亦屬無益吾子從實行方面下手不問天國英雄道學偉人是如何景象結果之日實際上已是天國英雄道學偉人雖不以此天國英雄道學偉人自居而後之論者必奉以此名無可疑也何爲天國英雄道學偉人就是吾子所舉數語雖在衆人之上比較衆人爲大却常常謙卑自牧願作衆人之用人質言之即是傳道人之比受道人爲大反作許多受道者之用人作受道者用人即是爲衆人勞苦擔衆人重擔而已吾子既認定此點本此至大方針進行勿懈此真前途之福也近年以來吾即是爲衆人勞苦擔衆人重担吾子所願既在于此此師徒同心之處也吾子對於上帝名人竭盡智能將一己智能獻與上帝而作上帝之工上帝亦必與吾人同工吾子是與我同工者是與上帝同工者同工即是同心既然與我屬于同心便是與上帝同心則上帝亦必與吾子同心因吾人所辦之事乃是創造以來第一大事不但所派天使應當盡擁護之責開啓傳道之路尙有聖靈在吾子面前引導使一切選民源源而來此源源而來之選民即是上帝與吾子同工證據樂歌壇求道五人在五年



前已得聖靈啓示早知上帝眞道產于成都可見吾子未到大竹以前天上上帝先已開啓今日傳道之門矣不但大竹爲然在天下萬國眞道未到聖靈先到先有上帝聖靈在天下萬國開啓傳道之門而後吾人所到之處受選民歡迎事半功倍惟傳道人材每有不足之嘆眞正造出一傳道上適用人才頗不易苟不得其人而妄用之不但不足爲傳道之助而反爲傳道之梗現在此間常常預備吾子亦宜留心考選傳道人才而逐漸造就以爲將來之用因爲傳道之事漸漸發展不期然而然在傳道事上確實可靠之人亦不多見基督所謂禾稂多工人少此之謂矣鄰水加功之事余已致函俾雲頌得來函已于冬月初六日起身到渝矣吾子再致函告之其函應交重慶土地巷二十號甘公館必可收到俾雲得道本早但數年以來困守家庭雖領福音并不負傳道責任上帝加以懲罰使其內人忽然雙目失明醫之無效現在下至大決心勇于傳道上帝于十月初旬派天使與之醫治次日彼之內人兩目全明不藥而愈此即上帝獎勵傳道之確切證明也所請續寄各書今已郵寄羅素學說之批評五本羅蘭主義之更進一解五本馬爾塞斯人口論之解決本息戰書後第一版四本第三版一本各書所存無多金銳孝然現方續印但亦不多因金銳道年三月初旬定到山東必須預備許多書去孝然明年三四月將到上海也須帶許多書去各省商會教育會已各發去一份本省中各縣商會也各去一份湖北貼近四川州縣亦皆發去傳道之事書之輔助爲力甚宏將來需用尤多吾子在外若有熱心之人亦當勸其集資捐印孝然擬于到瀘以後即將各書繕爲西文分送各國總之傳道之事是集衆人之力而成人人得道以後皆有一種

傳播責任是在吾子之善爲勸勉而已七十二道題目已囑毛君抄寄因現在明齋回家全月中旬始能來此也 民國十年全月初六日

### 答蘇伯平書二

伯平足下鑒前後各函已悉昨曾致墊江一函并發去書十五本外鄧孝然羅金銳及余往來論道各函共計七份皆爲傳道材料吾子因總司令部電召回渝未在墊江久駐此書函各件未及之劉昨已郵寄一片除書函必須索回外其餘之書是否索回或酌送若干索回若干均聽吾子斟酌而行可也吾子在隣水大竹墊江三縣所開初緣將及三百之數上帝之感應固大而吾子亦

道亦屬可喜藥緣大著奇效內外各症隨求隨應在黃城寨竟有活神仙降臨之說亦大可喜願自今以往熱心毅力一日增加一日上帝之感應必有更神于此者明年萬全金銳孝然皆必由省川中之事吾子可擔任大半萬全現已到橋在明正中旬定可抵渝矣受彤欲辦二級待萬全到渝立即舉行吾子亦可速速研究一切詳細法則再辦兩次以便領全三級福音而爲吾道砥石但能猛勇上進不問前程道可不求而得至善社社長雷某果然信心偉大願捨至善社之假道而歸入吾道將來當善教之使其成爲真實可用之人才則善矣至因雷某之故遂欲將吾道之書分送各社尙不可行因旁門中如雷某者亦不多見以書送之彼必以爲藐視而成老羞成怒之勢即或不然則利用吾道之書仍然行其本社之事反覺無益而有損凡屬傳道得旁門之人多屬難以到頭往往中途呼道而去彼原有許多假法在其心中爲先入之主一得真道便以真道參入假法真

假混合而行之并不純全信仰所以傳道最易自以曾入旁門者爲最易信但既信之後果能拋去以前假法一心不二乎今日之道者百中難有一二至爲旁門首領則更難矣曾入假道對於真道能篤信不疑毫無疑貳之心者必係其人曾受假法之害而未得其益者乃能之若其人雖未能得假道中身體之益而已得其金錢之利或名譽之利者皆難望其忠心於今日之道開一素不信道之人甚難但不信則已信則無有二心開一生平好道之人甚易但既信之後難保其專信如雷某者雖未得道已有如是信心此乃特別之人非普通旁門皆如是也吾子意見不無所取但不必直接以吾道之書對於假道普通分送若間接而送或以私人送私人最爲妥當不必以公共名義送彼公共機關如以公共名義送彼公共機關一則恐惹出意見二則恐被其利用教育會商會誠然迷信科學惟利是圖但不從此等人心坎上痛下攻擊真道難以普及世界金銳孝然所行攻其所難吾子所陳是欲攻其所易攻其所難收功較遲而甚大攻其所易收功甚速而甚小吾子意見非全然不可採用但不可直接以公共名義送其公共機關但以私人名義送彼社私人可耳最後若社得入吾道者既多自能以書勸其同事無待吾人之送矣真道未來假道先來真道既來真道必日盛一日假道必日衰一日吾子謂假道爲真道開路誠是實事樂歌增之李重祿真合傳道選格吾子宜早早教成譬之大木雖有棟樑資格還須大匠斲而成之然後可用否則等於凡木已耳周儻人唐臣榜等亦須吾子善爲教導務達成材目的則善矣集資印書爲傳道上最要之事書籍如多則在數年以內全球皆知有上帝真道傳道人未至其地來函歡迎者已不少即如山東劉貫之

亦因得見吾書來函求道者先有書以爲先鋒則傳道人少費唇舌吾子所示意之孫尊山等果能集歎印刷於傳道前途補益不少吾子熱心傳道三月之間肉身大爲發達精神大有增加上帝之愛重吾子如是至於右手因傷余已請上帝特派天使醫治吾子施行初級之時注意閃傷之處必可漸愈墊江因忙碌之故只傳二人殊爲可惜但亦算有種子矣此間已開口訣禮儀畫一會議所議定之禮儀如何口訣如何孝然處有之可往彼處抄錄一份照此而行以歸一律免有紛歧之弊吾子性體久欲指明未得其便今日特派倬雲代爲指明至幹倬雲前往加功吾子亦宜留心照料因倬雲對於傳道一事初初着手經驗尙少也 全月二十二日

### 答蘇伯平書三

伯平足下鑒 七月六日來函已悉吾子問水火金木土五項之正當解釋如何大哉此問全爲造化奧妙在今日以前一切星學家地學家道家數學家言此水火金木土者不知有若 萬萬彼等若不開口講論則已但一開口講論未有不以五字爲口上最流行之語者夫此五字奧妙最精最微最深最妙豈彼無道之人所能測其萬一哉我今本造化奧妙爲吾子解明自有此解天下之妄談水火金木土者可以休矣水火金木土之來源皆出於大天上帝之覺明本性水火金木土在大天上帝覺明本性之中並無彼此之分亦無互相凌滅之事覺明本性之中雖含有水性火性金性木性土性而同一元之中并不彼此衝突覺明本性遍滿於大天法界水性火性金性木性土性亦遍滿於大天法界自後天言之水自爲水火自爲火金自爲金木自爲木土自爲土而自先天

言之則水卽是火火卽是金金卽是本木卽是土并無分別水與火與金與木與土在先天一元之中是一非五一者何也皆上帝之一團眞光而已矣上帝之一團眞光乃是動而不已之神物卅項神物旋轉不息化出一團靈炁卽是靈火靈火既不同於神光又不同於後天烈火神光乃不冷不熱之體靈火則由不冷不熱地位進而至於熱之地位但非極端之熱已耳極端之熱則爲後天烈火先天靈火再動動之既久而熱力稍減則化爲靈水靈水既不同於先天靈火亦不同於後天流水靈火只是一種熱性靈水則由熱性地位化而爲一種水汽水汽尙未成爲後天流水後天流水已是冷性先天靈水不是冷性猶是一種熱汽必大減其熱度然後化而爲水也最初所化之水并非一種淡水乃是至濃之水卽是先天靈水首先成質之初水此卽靈火化爲後天活水之次序至於靈火之所以成爲烈火者是因此一部分之靈火偶然與其他部分首先成質之初水相感相觸而烈火以出先天靈火與首先成質之初水相感觸而成烈火之後初水餘渣遂爲塵土順行之序化到塵土地位達於止境不能再造化與妙化至穹盡不能再化之時則必返還返還之時若依順行次序本應由土質而化爲活水由活水而化爲靈水由靈水而化爲靈火由靈火而化爲神光如此返還各依次序并不紊亂惟有道者能之萬物無道不能依照此等次序當其返還之時自以土性爲起點土性返還不得正當次序偶然與水性相合而生金類故金性之爲物不是順生時所有乃是返還時之土性水性相合而成土性水性相合而成金類故金類之物附土而生以火熬之則變爲水以其爲土性火性水性所合故也淘金之人必以水銀加入而後煉而爲金因

金鑛之在土中土性較多水性較少加入水銀而後切合土性水性相合之理否則必爲散性而不爲剛性人以金爲剛性殊不知金本柔散之性其所以剛之故皆水銀之力耳金性既成運行於大地之中偶然與火相合而不性以生金性主乎堅定火性主乎上行火性挾金性以上行不能全全達到上行目的金性被火性所挾不能全全達到堅定目的兩性相合而不性乃成故本性有幾分堅定之性又有幾分上行之性而後能從土中上長上長既久堅定之性更強而上行之性漸弱上行之性被堅定之性所勝即不能再長是以木之爲物是金火二性相合惟其爲金火二性所合故以木入火則能燃燒世人烹調則以木爲燒料木經火焚現出之光則爲紅光紅光即是金性本色若無火性不能發光若無金性所發之光便非紅光木既發光且其所發之光又爲紅光其爲金火二性合成已毫無疑義要之金木二者皆爲土性返還不得正當次序而生既因土性返還而生自不能離土而長故金之與木皆以附土爲必要條件所以水火金木土之來源皆由大天上帝覺明本性而出當其最初本是一性而含有五性其後此五性分段而顯遂有水性火性金性木性土性之分雖有水性火性金性木性土性之分而五性之關聯甚爲密切惟因水性火性金性木性土性皆有互相關係故水性火性金性木性土性皆能相入水性與火性相入則水本冷也而變爲熱火本烈也而變爲滾有時水勝則火滅火勝則水滅非水火果然相滅乃是水火交容自表面觀之類於水火相滅耳其實水火并不相滅只是相容水多火少則火容於水而不見水如以一星之火投入多冰之中則火即不見火雖不見并非果然無火是被水所容耳火多水少則水容於火而不見



水如以一滴之水灑於火中則水即不見水雖不見并非果然無水是被火所容耳水火交容以其根本相合故能相容否則必不相入矣且水性雖冷而水性來源并非冷火性雖熱而火性來源并非不是熱水冷火熱乃是偶然現象其後必脫離冷熱現象而後能止水火未能脫離冷熱現象尚非真水真火真水不冷真火不熱真水能然真火能潤真水即是真火真火即是真水水火既能合一則其去歸真之途只一間矣至于金中有水金若無水以火熬之不能融化爲水金中有火金若無火以物磨之不能生出熱力凡物皆有水火木若無水焚燒之時不能現出水泡木若無火焚燒之時不能放出火箴土若無水掘井之人不能得水土若無火鑽石之人不能見火且地心甚熱即是火之證據所以金木由土而來土由水火而來水由火而來火由上帝之覺明本性而來三千大千世界皆由水火金木土所變化而水火金木土之種種變化皆出于大天上帝之覺明本性此即水火金木土之真解釋也人人之身亦有上帝所分種之覺明本性人身覺明本性亦常常化出靈火靈水又由靈火靈水生出活水烈火活水烈火相觸成爲人身土質土質之中提出金液木液上帝眞道來世有煨煉土質之功亦有煨煉金液木液之功又有煨煉活水烈火之功最後亦有煨煉靈水靈火而歸于全神之功既歸于自身全神則即可以由人身全神歸入大天全神與大天全神合爲一體若問何謂全神即覺明本性之別號也吾人若全了解大天小天水火金木土之眞義則造化奧妙在乎此矣此即答覆吾子所問水火金木土五字之解釋也昨發來霹靂一聲十七本可收到否并寄來三子大義二本此書當善爲保存作自己傳道蘭本不可借抄此是上帝規律人

人當守到後日上帝開放然後道外之人可得而闕現時同道之人雖可以閱但不能借去到吾子所在地點翻閱則可否則恐其竊抄則彼此皆犯上帝律法矣慎之慎之七月二十四日

### 答覆伯平書四

伯平足下鑒 七月二十九日及八月初三日來函已悉水火金木土一函合之以前各函已經選出共印一冊作爲傳道材料即日可以付印吾子在渝數月傳道數百人永翔亦傳數十人甚可嘉尙藥地匪風熾盛已請上帝特派大批天使天軍辦理必可漸次肅清矣至請求上書等語亦已第一節上帝已派天使辦理其人若爲生命冊上有名之人自必受其感化大禹謨言水火金木土穀惟修不是謂水火金木土之五行與穀爲平等五行之外加一穀成爲六行乃是謂五行之氣散布空中無由會聚而傳達于人身之內于是以穀爲媒介而傳達此五行之氣于人類肉體因穀之爲物乃五行之氣所會聚換言之即水火金木土五項精華所結成也人不必分別水火金木土五項而單獨食之但取此水火金木土結成之穀而食已得五行之精粹矣五行之最精粹者結而成穀便是萬物歸真之唯一途徑便是吾人修真之絕好材料吾人修證雖以神爲歸宿而其運用之道則全全賴有精氣精氣之爲物與穀有密切關係順生之時穀由大天精氣而化大天精氣即水火金木土五項是也逆返之時人身精氣由穀而化所以古之聖人蒼頡其造精氣兩字皆有米字米出于穀即謂人身精氣由穀中之米所化成也吾人修證之時有賴于穀離去穀則精氣無由而長施行二級功夫表面上雖然辟穀實際上以穀爲本而穹盡穀之妙用達于極點中庸所謂盡物


之性二級爲盡物之性一端世人每日所食者爲五穀種類但無道之人日日食此五穀未嘗盡穀之性惟有得道之人而後能盡穀之性世人不能盡穀之性以爲穀之爲物只須一餐其性已盡不可再用棄而置之因此穀之妙用萬分不得其一分自經有道者之煨煉而後知穀之妙用其性耐久雖經過百次千次萬次之食其性猶存穀性之所以如是耐久者以其爲水火金木土之精華所聚穀有真水故食穀之人生出元氣一物元氣一物即真水代表穀有真火故食穀之人生出熱力全身熱度賴以保持穀有真金故食穀之人生出血輪血輪即真金所化穀有真木故食穀之人生出鬚髮鬚髮即真木表現穀有真土故食穀之人生出垢塵即真土所顯穀中包含水火金木土五項精華吾人修證直接以穀爲食料間接即得水火金木土之全體大用而無餘矣上古之世道在君相堯也舜也禹也皆以帝統而兼承道統者也故大禹謨一篇揭出穀爲修行之惟一要品又指出穀爲水火金木土之代表造化奧妙隱藏于是吾人今日修證亦不能脫離此種範圍此即儒教于五行之下加一穀字之正當解釋也至于吾子之侄種種病情早已禱求上帝特派天使三名前往醫治矣八月十九日

如有探道之消息而得唐公眞道者由郵函寄四川成都奎星樓榮福公收轉可也

唐公派來滇省傳道之程雪笠先生暫住龍門橋十三號若有願求真道者須前往探訪如將來程先生遷移請向總商會詢問便知其詳合並布明

閱後傳觀  
歡迎翻印

雲南總商會同人印送



24

0862 38